

隱逸傳

河內縣志卷第二十九

漢

野王二老者不知何許人 初光武貳於更始會關中擾亂遣前將軍鄧禹西征送之於道既反因於野王獵路見二老者卽禽光武問曰禽 竝舉 西指言此中多虎臣每卽禽虎亦卽臣大王勿往也光武曰苟有其備虎亦何患父曰何大王之謬邪昔湯卽桀於鳴條而大城於亳武王亦卽紂於牧野而大城於邲鄩彼二王者其備非不深也是曰卽人者人 卽之雖有其備庸可忽乎光武悟其旨顧左右曰此隱者也將用之辭而去莫知所在 後漢書本傳

晉

河內縣志

隱逸傳  
卷二十九

一

王尼字孝孫城陽人也或云河內人本兵家子寓居洛陽卓犖不羈初爲護軍府軍士胡母輔之與琅邪王澄北地傅暢中山劉輿潁川荀宥河東裴遐迭屬河南功曹甄遂及洛陽令曹攄請解之攄等以制旨所及不敢輔之等齎羊酒詣護軍門門吏疏名呈護軍護軍歎曰諸名士持羊酒來將有以也尼時以給府養馬輔之等入遂坐馬廐下與尼炙羊飲酒醉飽而去竟不見護軍護軍大驚卽與尼長假困免爲兵東嬴公騰辟爲車騎府舍人 時尚書何綏奢侈過度 謂人曰綏居亂世矜豪乃爾將死不久人曰伯蔚聞言必相危害尼曰伯蔚比聞我語 矣未幾綏果爲東海三越 初入洛尼詣越不拜越問其故尼曰公無宰相之能是以不

拜因數之言甚切又云公負尼物越大驚曰寧有是也尼曰昔楚人亡布謂令尹盜之今尼屋舍資材悉爲公車人所畧尼今饑凍是亦明公之負也越大笑卽賜絹五十疋諸貴人聞競往餉之洛陽陷避亂江夏時王澄爲荊州刺史遇之甚厚尼早喪婦有一子無居宅惟畜露車有牛一頭每行輒使御之暮則共宿車上常歎曰滄海橫流處不安也俄而澄卒荆土饑荒尼不得食乃殺牛壞車煮肉噉之旣盡父子俱餓

死

晉書本傳

元魏

高望崇河內人精於周官頓邱董徵好古學尙雅素就望崇受周官於河內

魏書本傳

河內縣志

隱逸傳  
卷二十九

一一

唐

薛居士隱太行山學總儒釋多所該覽聞釋曇延少年知道威悟絕倫嘗一造之言謔相尙未之揖謝薛乃戲題四字方圓動靜命曇延體之延應聲曰方如方等城圓如智慧曰動則波浪靜類涅槃室居士驚異嘆絕曰由來所未見希世挺生卽斯人也

宋

張延嘉讀書不願仕州上其行贈號嵩山處士

張旨傳

元

馬景道隱居教授徵拜國子助教陝西行省提學皆不就

元史

明

張介福字子祺自懷慶徙吳 受學於許衡二親早終遂無仕進意家貧冬不能具夾襦或遺以貯絮不受纖介必以禮張士誠入吳有卒犯其家危坐不起刀斫面仆地醒復取冠戴之坐自若卒怪以爲異物走去今福恐發其先墓往廬焉士誠聞而欲致之不可使其弟往問答曰無樂亂無貪天禍無忘國家饋之力辭已病黃謂其友曰吾志希古人未能也惟無污於時庶幾哉遂卒

明史隱逸傳

蕭永言河內庠生鄉賢守身子博學工詩畫畫竹尤蒼勁書法瘦挺時號書虎踈傲自喜無意仕進鄉人有具酒求書者先狂舞數回然後縱筆直書書數行復舞蓋阿母嘗夢一綠髮僂侶娠而生永言宛肖夢中所見云

### 河內縣志

隱逸傳  
卷二十九

三

國朝

鍾國士字爾知其先家江西新喻後遷爲河內人生而篤實七歲就塾師卽知攻苦力學家貧親老無以爲養設館教生徒以供甘旨遭母喪哀毀過禮拮据以營葬事服闋乃奉厥父渡河而南居偃師之緱氏山下讀書講道從遊者日衆聞容城孫徵君倡道蘇門遂棄舉子業徒步從受學得聞身心性命之旨欣然至忘寢食徵君旣考終復還緱山營構數椽題曰存心齋讀書其間已而設帳釣臺手錄楊誠齋易傳一部朝夕潛玩寒暑靡懈與從學諸弟子講論孝經發揮孔門仁孝之旨著有存心齋詩文十一卷學者稱爲爾知鍾子

府志

論曰鴻飛冥冥弋人何篡焉野王二老之徒其操至高其行

至清可謂不降不辱者矣讀此者知其人論其世其亦有可感也夫

河內縣志

隱逸傳  
卷二十九

四